

2009

PRÉANJSKI
KRNEVAD

KRIZO
FINANCIŠKOVIC
ZVANI BANKROT

- OPTUŽNICA
- TAGTAMENAT
- SUDČINE

PRCANJ, 21.02.2009

SUDJENJE PRCANJSKOM KARNEVALU**KRIZU FINANSISKOVICU ZVANOM BANKROT****PREDSJEDNIK SUDA:**

DAME I GOSPODO, MNOGOPOSTOVANI PUCE PRCANJSKI!
EVO NAS PONOVO NA TRADICIONALNU FESTU PRCANJSKOG KARNEVALA.
OPET SMO GA KAO I SVAKE GODINE UFATILI ALI NAZALOST SAMO
JEDNOGA, OD MNOGIJEH, JER AKO BI IH SVE POFATALI, PRCANJ BI
LAMPAO SVAKI DAN KAO SUMSKI POZARI TOKOM SEZONE.

OVAJ NIKOGOVIC KOJEGA SMO PRIVELI PRED LICE PRAVDE ZOVE SE,

KRIZO FINANSISKOVIC ZVANI BANKROT

SVJESNI NJEGOVIJEH ZLODJELA, MUTNIJEH RABOTA I SVAKOJAKIJEH
SPEKULACIJA A NA OSNOVU KAZNENOG ZAKONA MANJAMUKTE,
OTVARAM SUDSKI PROCES PROTIV ODJE PRISUTNOGA KARNEVALA,

KRIZA FINANSISKOVICA ZVANOG BANKROT

CASNI SUD CINU:

PREDSJEDIK SUDA JA LICNO GOSPODJA, PROFESORICA **HORACIJELA
PRAVDIC-MEDENA.**

TUZBU IZNOSI GOSPODIN **TRAFIKANTE PENDREKOVIC.**

BRANILAC OVOGA JADA JE GOSPODIN, **ANELO TRTA ZVANI MRTA PRTA.**
A SADA DAJEM RIJEC TUZIOCU.

TUZIIOC:

JA TUZIOCI GOSPODIN **TRAFIKANTE PENDREKOVIC**, PODIZEM
OPTUZNICU PROTIV ODJE PRISUTNOGA KARNEVALA
KRIZA FINANSISKOVICA ZVANOG BANKROT, I ZAKLINJEM SE
PRED OVIJEM PUKOM PRCANJSKIJEH DA CU UCINJET SVE DA OVU
PROTUVU STIGNE ZASLUZENA KAZNA.

SVJESTAN CINJENICA DA OVI JADOV NIJE JEDINI KRIVAC ZA SVE NEDACE
PUKA PRCANJSKOGA,IPAK SMATRAM DA JE ON NAJODGOVORNIJI PA GA
S TOGA OPTUZUJEM ZA SLEDECA NJEGOVA NEDJELA:

KRIVIM GA STO JE PREKO NOCI I NA PRCANJ UNIO GLOBALNU FINANSISKU
KRIZU TAKO DA SE OVI JADNI NAROD PO KO ZNA KOJI PUT O JADU
ZABAVIO.ONI SIROMASNI BICE SADA JOS SIROMASNIJI,A ONIMA
BOGATIJEMA BANKE SU PARE OBRIJALE TAKO DA IH SADA KORISTIT NE
MOGU,A ONI KOJI SU GRADILI SILNE ZGRADURINE,OTELE,APARTMANE
I.T.D. ZJAPICE IM PRAZNE KAO AVETINJSKE KUCE.

NADALJE GA KRIVIM ZA SVE KATASTROFALNE PROBLEME NASEGE
LIJEPOGA MJESTA.

STANOVNICIMA PRIOBALNIH KUCA SVAKI DAN JE ZEMLJOTRES KAD
ONIJE OBURDANIJE PUTEM PROLAZE ONE GRDOSIJE OD KAMIONA
PUNIH ZEMLJURINE,SUTA I OSTALOG GRADJEVINSKOG MATERIJALA,
PA TI SE PARA KAO DA JE INVAZIJA IZRAELSKIH TENKOVA NA PALESTINU.

NE TREBAJU NAM DALJE ILUMINACIJE OLITI VATROMETI PO PRCANJU,
JER SVAKO MALO LAMPAJU NAM KABLOVI I TRANSFORMATORI OD STRUJE
TAKO DA VAM SE CINI DA NAM PO NOCI NI VANJSKA RASVJETA NE TREBA.

KRIVIM GA STO NAM KORZO,DIKA NASEGA MJESTA,U ONAKVOM JADNOM
STANJU PA CE SE USKORO U MORE OBURDAT KAO ONI PUT NA GLAVATI.

OVO MULO NA KOJEMU SADA STOJIMO NIJE U NISTA BOLJEM STANJU
I SLUZI SAMO KAO PARKING ZA AUTA I BRODICE NASUVO KOJI NAM
SAMO ZAUZIMAJU I ONAKO MALI PROSTOR.

NAVODIM GA KAO GLAVNOG KRIVCA ZA SVE POPLAVE I BUJICE PO
PRCANJU TAKO DA CEMO USKORO MORAT FORMIRAT I POMPIJERSKU
DRUZINU DA KAO PASANOGA JANUARA BLAGOVREMENO INTERVENISE
PUMPAMA,MANIGAMA,LATAMA I PINJATAMA ISPUMPAVAJUCI VODU IZ
KAFANE,PEKARE,BUTIGE KOMESTIBILE I PRIVATNIJEH KUCA.
MA MI SE SVE PARA DA OVO IMA VEZE SE PRCANJSKIM VATERPOLOM.

IMA JOS MNOGO NJEGIVIH KRIVICNIJEH DJELA ALI SMATRAM DA JE I OVO
DOSTA DA SE

KRIZO FINANSISKOVIC ZVANI BANKROT

ZASLUZNO KAZNI SHODNO ZAKONU.

PREDSJEDNIK SUDA:

A SADA DAJEM RIJEC ODBRANI.

BRANILAC:

MNOGOPOSTOVANI, OSIROMASENI NARODE PRCANJSKI, UVAZENI TUZITELJU!

PO USTALJENOJ SUDSKOJ PROCEDURI MENI KAO BRANIOCU GOSPODINU ANELI TRTA ZVANOM MRTA PRTA UVIJEK PRIPANE TESKA DUZNOST DA BRANIM KAKVOGA NESRETNIKA DA BI OVA UVAZENA GOSPODA AKONTO OVOGA MOGLA CINJET PAPALADU I DOBRO SE NACUCAT!

OVOGA PUTA ODREDILI SU ZA ZRTVU OVOGA JADA DA BI SEBE OPRAVDALI I VAMA SE PRIKLONILI. STOGA SE PRIMAM OVE NEZAHVALNE DUZNOSTI DA CASNO BRANIM MOJEGA KLIJENTA OD OVE LJUDSKE NAPASTI, NAMETNUTE MU KRIVICE, LAZNIH OPTUZBI I DRUGIJE KLEVETA, TANTARA I DRKALICA ZA KOJE NIJE KRIV I NIKOME DUZAN.

BRANITI NEDUZNE POD OVIM I OVAKVIM OKOLNOSTIMA JE ISTO KOA DA PUVATE U VJETAR, DA NE RECEM NESTO RUZNIJE.

MA INTANTO MOJA PRAVNA DUZNOST JE DA DEMANTUJEM SVE LAZNE OPTUZBE I IZNESEM U NJEGOVU ODBRANU SVE ZASLUGE I DOBRA DJELA STO JE CINIO A STO JE GOSPODIN TRGOVAC, OCU RIJEC TRAFIKANTE NEHOTICE ZABORAVIO POMENUTI.

ALORA, GOSPODINE TUZITELJU ODMA DA VI RECEM DA ME VASE IME NEKAKO SENJAJE NA CELJADE OD PROFESIJUNA DOBROGA TRGOVCA, STO TRGUJE SA SVIM I SVACIM. CINI MI SE DA JE I OVA TUZBA DIO VASE TRGOVINE A AKONTO PRAVA KRIVICNOGA ZAKONIKA.

AKO VI JE SVIJEŠT CISTA, KAKO STE REKLI, DA MOJ KLIJENT NIJE JEDINI KRIVAC ZA OVI FINANSISKI FIJASKO, ZASTO ONDA KRIJETE PRAVE KRIVCE, JERBO MEDJU NJIMA ZA SIKURO IMA ONIH SESTOPRSTOVICA STO IH KRIJU KAO ZMIJA NOGE. OVA FINANSISKA GLOBALIZACIJA DOBRO SLUZI I KAO MASKA ZA SVE ONE STO SU SE NAKUSALI PARUSTINA PA SADA TOBOZE KUKAJU DA SU IM BANKE PARE OBRIJALE. MA TO SU PRICE ZA MALU DJECU JER KO SE SAD NAKUPIO PARUSTINA DOBRO ZNA DJE SU.

PRCANJOTI KAO I SVI SA SUPLJIJEM SPAGIMA KRIZIRAJU OD MNOGO RANIJE, ZAPRAVO ODAVNA KRPU KRAJ S KRAJEM. STO SE TICE KOMUNALNE KATASTROFE NASEGA LIJEPOGA MJESTA, UVAZENI GOSPODINE TUZITELJU, POGLEDAJTE SAMO NAS CENTAR POD DNO SKALINADE OD BOGORODICNE CRKVE.

TAMO JE PRCANJ DOBIO I SVOGA LERA IZ MONTANJE A I MINI LOVANJU
ZA DEPONIJU SVAKOJAKIJEH STRAFURA STO SE TAMO TRPAJU NA SVOJE
A I NA TUDJE IMANJE, A JOS VI CINI I DESPET KAD SEGA STICE I OSTALO
NA ONI I ONAKO DESTREGANI SENJ OD PARKIRANJA.
TAKO CEMO I DALJE IMAT U STADJON OD LJETA TUR-ATRAKCIJU ZA
FURESTE KOJI SE NAJVIŠE BAS TU I ZADRZAVAJU. BICE DA JE I TO U
PRILOG EKOLOSKOJ DRZAVI. VIDITE VI TO MOLTO BENE SAMO ZATVARATE
OCI GOSPODO MOJA, A JILI VI I ZA TO KRIV MOJ KLIJENT?

NEGO JA SE VIŠE NECU OBAZIRATI NA TE VASE ZLONAMJERNE KLEVETE
NEGO CU POMENUTI SAMO DIO NJEGOVE ZASLUGE. NA DOBROM JE PUTU
DEMOKRATSKOGA PRAVA DA OSNUJE NOVU STRANKU KAKO BI ZASTITIO
OVI SVE VIŠE OSIROMASENI NAROD. U NJEGOVU STRANKU MOGU BITI
SAMO ONI ZRELI, A TO SU, SOCIJALCI, NEZAPOSLENI I MIZERNI PENZIONERI
A STRANKA SE DA ZNATE ZOVE: **STRANKA PREZIVLJAVANJA.**

TAKO CE SVI CLANOVI MOZDA I MOC PREZIVJET KAO I SVI PENZIONERI,

PA DA ODMA PLATU VODU I SMET,
A DA IM OSTANE CRKAVICA ZA POTROSACKI PAKET,
A KAD DOBIJU ONO STO IM DUGUJU,
NEKA PLATU POREZ I STRUJU!
A POSTO SE EKONOMSKI SVE TEZE DISE,
STRANKE CE, SIGURNO, IMATI CLANOVA
SVE VIŠE I VIŠE!!!

A ONI KAMION STO JE OBUKAO PUT NA GLAVATI I U MORE SVRSIO,
ZA SIKURO CE TAMO GODINAMA OSTAT PA CE BIT OD KORISTI, JER CE
SE U NJEGA GOLOCI, JEGULJE I GRUJEVI ABRUMAVAT.

ZA SVE DRUGE TOBOZE KRIVICE MOJEGA KLIJENTA NEMOJTE ZAVARAVATI
OVI POSTENI NAROD, NEGO UCINITE STO STE NAUMILI DA VI SE
PASTICADA NE OLADI, SAMO NEMOJTE UGLEDNA GOSPODO ZABORAVIT,
DA NIKO NIJE IZIO I POPIO ALA MUKTE A DA NIJE PLATIO MAKAR U ONA
DVA METRA POD BOROVE, A STO CETE NE PLACA BOGO SVEKE SUBOTE!

SA KRNEVALOM OLITI BEZ NJEGA NISTA NAM NE FALI,
SAMO STO SMO BILI I OSTALI ZADNJA RUPA NA SVIRALI!!!

DA PROSTITUTE, JA BI SA OVIJEM I SVRSIO!!

PREDSJEDIK SUDA:

POSTO SAM SASLUSALA OPTUZBU I ODBRANU, DONOSIM SLEDECU
ODLUKU:

ODJE PRISUTNI KARNEVAL PRCANJSKI

KRIZO FINANSISKOVIC ZVANI BANKROT

PROGLASAVA SE KRIVIM ZA SVA NAVEDENA ZLODJELA PA GA SHODNO
TOME OSUDJUJEM NA SMRT SPALJIVANJEM NA MULO PRCANJSKO
PRIHVACAJUCI MOLBU ODBRANE A I BLIZE SVOJTE DA MU SE GLAVA
SACUVA NA POMEN EVENTUALNIM POKOLJENJIMA.

MUZIKA IZ DJENOVICA NEKA MU ODSVIRA MARCU FUNEBRE!

REKVIJEM SKAT IN PACE!!!